

# MuuKanta uápisin

– raavâkirje aalmugjesânân



Kanta



# MuuKanta-palvâlusâst tun uáináh jieijâd tiäđuid

MuuKanta lii aalmugjesânáid tárguttum vâldikodálâš nettipalvâlus, mast tun uáináh tiervâsvuođâtiäđuidâd já kuulood meiddei sosiaalpalvâlusâi äššigâstiäđuid. Tun uáináh MuuKanta-palvâlusâst taid tiäđuid, moh tust láá vyerkkejum Kanta-palvâluššáid ađai Kaantan.

Tiäđuh vyerkkejuvvoje Kanta-palvâlusân, ko tun ášâštâlah tiervâsvuođâhuolâttâsâst apteekist teikkâ sosiaalpalvâlusân. Sosiaal- já tiervâsvuođâhuolâttâs áámmátulmuuh čäälíh tust pajas tiäđuid, ko tun iäláh ovdâmerkkân tuáhtárist teikkâ hoittááh tuu aášijd sosiaalpalvâlusân tuu jieijâd pargein.

Tun puávtáh ášâstállâđ MuuKanta-palvâlusâst meiddei tuu aldaulmuu teikkâ párnáá peeleest.

Tun puávtáh kevttiđ MuuKanta laađđâm peht čujottâsâst kanta.fi tâi OmaKanta-heiviittâs peht (finniimist tuš suomâ- já ruotâkielân). Tun puávtáh luodiđ heiviittâs jieijâd puhelimân tâi tabletân heiviittâskäävpist.

## MuuKanta-palvâlusâst tun puávtáh

- luuhâđ čälimijd, moh lahtâseh tuu tiipšon
- táttuđ reesept uđâdem
- tärhistiđ laboratorio- já röntgentutkâmušâi puátusijd
- uáiniđ sosiaalpalvâlusâi tiäđuid, moh puátih palvâlusân.
- vuorkkiđ jieijâd tipšomtaátu já orgaanluovâtemtaátu
- vaiguttiđ jieijâd tiäđui kiävtun sosiaal- já tiervâsvuođâhuolâttâsâst.

# MuuKanta-palvâlusân siisâ čáládâttâm

Tun puávtáh kevttiđ MuuKanta-palvâlus, jis tust lii syemmilâš persovntubdâldâh sehe miinii čuávuvâš tubdâttâttâmniävuin:

- nettipankkitubdâlduvah
- mobiilvisásmittem
- persovnkorttâ, mast lii čiegâ

## Návt tun čáládâđah siisâ MuuKanta-palvâlusân

1. Čääli laađđâm čujottâsradalâsân **kanta.fi**
2. Valjii kanta.fi-siiđost teddilempuálu **Čáládât siisâ MuuKanta-palvâlusân**
3. Tun stivrejuvvoo **Suomi.fi-palvâlusân**, mii lii almoshaldâttuv noonâ elektronlâš tubdâttämvyehi. Tääł tun puávtáh valjiđ tuu halijdem tubdâttâttämvyevi, tego nettipankkitubdâlduvâid teikkâ mobiilvisásmittem.
4. Täärhist tiäđuid já teddil **Juáđhi palvâlusân**, te tun sirdâšuuh MuuKanta-palvâlusân.
5. Čáládât olgos MuuKanta-palvâlusâst, ko jooskah ton kevttim. Siho loopâst laađđâmhistorjá.



# Návt tiätu jotá Kanta-palvâlusâst

Sosiaal- já tiervâsvuodâhuolâttâs áámmátolmooš kirjeet já kiäččá tiäđuid jieijâs tiätuvuáháduvvâst. Tobbeen tiäđuid vyerkkejeh Kanta-palvâlusân tagarin, ko áámmátolmooš taid čáálá pajas. Jyehi aalmugjeessân puáhtá keččâđ já haldâšid jieijâs tiäđuid MuuKanta-palvâlusâst.



Sosiaal- já tiervâsvuodâhuolâttâs áámmátolmooš čáálá já kiäččá tiäđuid jieijâs tiätuvuáháduvvâst. Tobbeen tiäđuh vyerkkejuvvoje Kanta-palvâlusân.

## Jis MuuKanta-palvâlusâst uáinimnáál leijee tiäđuin lii feilâ

Jis tun huámmâšah, ete tuu tiäđuin láá feeilah teikkâ vááijuvvuodâh, te vääldi ohtâvuodâ njuolgâ sosiaal- já tiervâsvuodâhuolâttâsân. Jis ovdâmerkkân tun lah iállám tiervâsvuodâkuávdáást, tiäđuid kalga tivvoođ tobbeen. Jis tun lah iállám priivaat tuáhtársajattuvâst, vääldi ohtâvuodâ njuolgâ toho.

# Tun puávtáh vaiguttiđ tuu tiäđui kevttimân

Kanta-palvâlusân vyerkkejum tiäđuh kiedâvušsojeh torvolávt. Tuu tiäđuid pyehtih keččâđ já kevttiđ tuše toh tiervâsvuođâhuolâttâs teikkâ sosiaalhuolâttâs áámmátulmuuh, kiäh tipšoh tuu aašijd. Tiäđuh kiävttojeh talle, ko toh láá taarbâšliih tuu tipšo já ášástállâm keežild.

Tuu tipšoo áámmátolmooš puáhtá keččâđ Kanta peht meid tiäđuid, moh tust láá čallum pajas eres soojijn sosiaal- já tiervâsvuođâhuolâttâsâst, tego nube pyereestvaijeemkuávlust tâi priivaat tuáhtársajattuvâst. Ko tiäđuh joteh áámmátulmust nuubán, te tun uážuh šievšlaajâg tipšo ijge ovdâmerkkân tutkâmušâid taarbâš toohâđ mangii.

Tun puávtáh jieš vaiguttiđ toos, mon viđáht áámmátulmuuh pyehtih kevttiđ tuu tiäđuid. MuuKanta-palvâlusâst tun puávtáh adeliđ love jieijâđ tiäđui luovâtem várás teikkâ kiieldiđ tom. Tun puávtáh ovdâmerkkân kiieldiđ monnii tiätu sosiaal- já tiervâsvuođâhuolâttâsâst eellim tiäđui luovâtem.

Luovâtemluuvijn tun muštâlah tuu táátu já suovah jieijâđ tiäđui luovâtem tuu tipšoo uásipeelij kooskâst. Návt tuu tiäđuh joteh ovdâmerkkân almolâš já priivaat tiervâsvuođâhuolâttâs teikkâ kyevti sierâ pyereestvaijeemkuávlun kooskâst, ko ášástâlah sierâ tipšopaaihijn.

# Párnáá peeleešt ášástállâm MuuKanta-palvâlusâst

Huolâtteijee puáhtá ášástállâđ MuuKanta-palvâlusâst vyeliahasâš párnáđ peeleešt. MuuKanta älkkeedit párnáá aášij tipšom.

Tipšoo áámmátolmooš árvuštâl, puáhtá-uv vyeliahasâš meridiđ jieijâš tipšoošt. Nuorâ, kote puáhtá jo jieš meridiđ, uázžu valjiđ, uáinojeh-uv suu tiäđuh huolâtteijei MuuKanta-palvâlusâst. Jis nuorâ ij pyevti jieš meridiđ suu tipšoošt ohtuu, te meid huolâtteijee uáiná nuorâ tiäđuid, tego tuáhtár čälimijd já meridum reseptijd.



MuuKanta-palvâlusâst tun puávtađ ášástállâđ párnáá peeleešt.

# Nube olesulmuu peeleast ášástállâm MuuKanta-palvâlusâst

Aldaolmooš puáhtá ášástállâđ MuuKanta-palvâlusâst nube olesulmuu peeleast, jis sust lii toos Suomi.fi-váldásmitem. Váldásmitem puáhtá uázžuđ ulmust, kote ij keevti nettipalvâlusâid teikkâ sust iä lah nettipañkkitutbdâlduvah. MuuKanta-palvâlusâst ášástállâm vâras taarbâšlâš váldásmitemh láá

- Tiervâsvuođâhuolâttâs aašij tipšom
- Sosiaalhuolâttâs aašij tipšom.

Nube peeleast puáhtá ovdâmerkkân

- táttuđ uđâdiđ reesept
- keččâđ laboratoriotutkâmušâi puátusijd
- luuhâđ tiäđuud tiervâsvuođâhuolâttâsâst elimist
- keččâđ sosiaalpalvâlusâi tiäđuud



MuuKanta-palvâlusâst tun puávtáh ášástállâđ nube olesulmuu peeleast

# Kost mun finniim lasetiäđu?

- čujottâsâst **kanta.fi**
- sosiaal- já tiervâsvuođâhuolâttâs áámmátulmuin já apteekijn.

## Luodii OmaKanta-heviittâs

OmaKanta-heviittâsâst tun uáináh jieijâd reseptijd já puávtáh táttuđ toi uđâdem.

Tun puávtáh meid tiiláđ almottâs, ko tuu reesept lii uđâdum.

Heviittâsân lii älkkee čáládâttâđ siisâ.

Mij lasettep tooimâid heviittâsân kuulood.



Kela paijeentuálá Kanta-palvâlusâid. Kela oovded Kanta-palvâlusâid Tiervâsvuođâ já pyereestvaijeem lájádâssáin já sosiaal- já tiervâsvuođâministeriöin.

MuuKanta-palvâlus lii uási vâldikodálijn Kanta-palvâlusâin já aalmugjesânij uáinus sosiaal- já tiervâsvuođâhuolâttâs tiäđoid.